

四庫全書

史部

欽定四庫全書

史部

欽定續通志卷

十九至
二十四

主事_臣尹壯圖覆勘

總校官原任侍講_臣王燕緒

欽定四庫全書

欽定續通志卷十九

梁紀

太祖

宋帝

太祖皇帝姓朱氏諱晃宋州碭山午溝里人也本名溫其父誠以五經教授鄉里生三子曰全昱曰存曰溫誠卒三子貧不能為生與其母傭食蕭縣人劉崇家全昱無他材能然為人頗長者存溫勇有力而溫尤兇悍唐

僖宗乾符中黃巢起曹濮存溫亡入賊中存從巢攻嶺南戰死而溫以功補隊長巢陷京師以溫為東南面行營先鋒使溫攻南陽拔之巢以溫為同州防禦使遂攻陷同州是時天子在蜀諸節鎮會兵討賊而王重榮屯河中與溫相持重榮屢攻溫溫輒敗溫懼數請益兵於巢巢中尉孟楷抑而不通溫客謝朶說溫曰黃家起於草莽幸唐衰亂直投其隙而取之爾非有功德興王之業也今天子在蜀諸鎮之兵日集以謀興復是唐德未

厭於天下也且將軍力戰于外而庸人制之於內此章
邯所以背秦而歸楚也溫以為然乃殺其監軍嚴實自
歸于河中因王重榮以降都統王鐸承制拜溫左金吾
衛大將軍河中行營招討副使天子賜溫名全忠中和
三年三月拜全忠汴州刺史宣武軍節度使四月諸鎮
兵破巢復京師巢走藍田七月丁卯全忠歸于宣武是
歲黃巢出藍田關陷蔡州節度使秦宗權叛附于巢遂
圍陳州武寧軍節度使時溥為東南面行營兵馬都統

會東諸鎮兵以救陳陳州刺史趙犇亦乞兵于全忠溥
雖為都統而不親兵四年全忠乃自將救犇率諸鎮兵
擊敗巢將黃鄴尚讓等犇以全忠為德始附屬焉是時
河東李克用下兵太行渡河出洛陽與東兵會擊巢巢
已敗去全忠反克用追敗之于郾城巢走中牟又敗之
于王滿巢走封丘又大敗之巢挺身東走至泰山狼虎
谷為時溥追兵所殺九月天子以全忠為檢校司徒同
中書門下平章事封沛郡侯光啓二年三月進爵王義成

軍亂逐其節度使安師儒推牙將張曉為留後師儒來

奔殺之遣朱珍李唐賓陷滑州以胡真為留後十二月

封吳興郡王

此除新舊史同若新舊唐書及通鑑則皆無其文疑有悞

自黃巢死秦

宗權稱帝陷陝洛懷孟唐許汝鄭諸州遣其將秦賢盧

瑋張晔攻汴賢軍板橋晔軍北郊瑋軍萬勝環汴為三

十六柵王顧兵少不敢出

始稱名既而稱爵稱帝漸也爵至王而後稱著其逼者

乃遣朱珍募兵於東方而求救於兗鄆三年春珍得兵

萬人馬數百匹以歸乃擊賢板橋拔其四柵又擊瑋萬

欽定四庫全書

欽定續通志

卷十九

三

勝塘敗投水死宗權聞塘等敗乃自將精兵數千柵于
北郊五月泰寧軍節度使朱瑾天平軍節度使朱宣
以兵來援王置酒軍中中席王陽起如廁以輕兵出北
門襲旌而樂聲不輟旌不意兵之至也充鄆之兵又從
而合擊遂大敗之斬首二萬餘級宗權與旌夜走過鄭
屠其城而去宗權至蔡復遣張旌攻汴王聞旌復來登
封禪寺後岡望旌兵過遣朱珍躡之戒曰旌見吾兵必
止望其止當速返毋與之鬪也已而旌見珍在後果止

珍即馳還王令珍引兵蔽大林而自率精騎出其東伏
大冢間睨止而食食畢拔旗幟馳擊珍珍兵小却王引
伏兵橫出斷睨軍為三而擊之睨大敗脫身走宗權怒
斬睨而河陽陝洛之兵為宗權守者聞蔡精兵皆已殲
於汴因各潰去故諸葛爽將李罕之取河陽張全義取
洛陽以來附十月天子使來賜王紀功碑朱宣朱瑾以
兵助汴已破宗權東歸王移檄兗鄆誣其誘汴亡卒以
東乃發兵攻之取其曹州濮州遂遣朱珍攻鄆州大敗

而還朱宣復取曹州

此條新舊史俱無之考下昭宗大順二年有曹州來降之文則知朱

宣當有復取曹州之事茲據新唐書朱宣傳及通鑑輯

十二月天子使來賜王鐵

券及德政碑淮南節度使高駢死楊行密入揚州天子

以王兼淮南節度使王乃表行密為副使以行軍司馬

李璠為留後璠之揚州時溥于道襲之不克進而還

新史

作璠之揚州行密不納據舊史云至淮上為徐戎所托是李璠未嘗得至揚州也

文德元年正

月王如淮南至宋州而還是時秦宗權陷襄州以趙德

諲為節度使德諲叛于宗權以來附

德諲降梁舊史及新唐書皆在五

月此因宗權陷襄州而終言之

天子因以王為蔡州四面行營都統以

德諱為副三月僖宗崩天雄軍亂囚其節度使樂彥貞其子相州刺史從訓攻魏使來乞兵遣朱珍以兵往助從訓攻魏而魏軍殺彥貞從訓亦戰死魏人立羅弘信珍乃還張全義取河陽逐李罕之罕之奔于河東李克用遣兵圍河陽全義來求救遣丁會牛存節救之擊敗河東兵于沈河五月行營討蔡州圍之百餘日不克是時時溥已為東南面都統又以王統行營而溥猶稱都

統王乃上書論溥討蔡無功而不落都統且欲激怒溥
以起兵端初高駢死淮南亂楚州刺史劉瓚來奔納之
及王兵攻蔡不克還欲攻徐乃遣朱珍將兵數千以東
聲言送瓚還楚州溥怒論已又聞珍以兵來果出兵拒
之珍與戰于吳康大敗之取其豐蕭二縣遂攻宿州下
之珍屯蕭縣別遣龐師古攻徐州龍紀元年正月師古
敗溥于呂梁淮西牙將申業執秦宗權折其足將檻送
京師別將郭瑤殺叢篡宗權以來獻王遣行軍司馬李

璠獻俘于京師表郭璠淮西留後三月天子封王為東平王七月朱珍殺李唐賓王如蕭縣執珍殺之遂攻徐州冬大雨水不能屯軍而旋初秦宗權遣其弟宗衡掠地淮南是歲宗衡為其將孫儒所殺儒攻楊行密于揚州淮南大亂行密走宣州儒入揚州大順元年春遣龐師古攻孫儒于淮南大敗而還四月宿州將張筠以宿州復歸于時溥王自將攻之不克初李克用敗黃巢追之于宛朐旋軍過汴王邀克用置酒上源驛夜以兵攻

之克用僅免訟其事于京師天子知曲在汴而和解之
至是宰相張濬私與汴交王厚之以賂濬為汴力請伐
河東五月以濬為太原四面行營都統王為東南面招
討使然王不親兵以兵三千屬濬而已濬屯于陰地河
東叛將馮霸殺潞州守將李克恭來降遣葛從周入潞
州李克用遣康君立攻之從周走河陽九月王如河陽
十月天子以王兼宣義軍節度使遂如滑州假道于魏
以攻河東且責其軍須亦所以怒魏為兵端也魏人果

以謂非兵所當出而辭以糧乏皆不許於是攻魏十一月張濬之師大敗于陰地二年正月王及魏人戰於內黃大敗之屠故元城羅弘信來送款十月克宿州十一

月曹州將郭紹賓殺其刺史郭饒來降

新唐書郭紹賓作郭銖郭饒作

郭十二月丁會敗朱瑾于金鄉景福元年二月攻鄆州

朱友裕敗于斗門王軍後至又敗而還冬友裕取濮州

按紀前于光啟三年十月言取濮州以後不言復失徧考新舊唐書及通鑑皆無其文惟舊五代紀于景福元年二月云時朱宣尚在濮州新史朱友裕傳亦有是語知朱宣于斗門再勝之時當復取濮州而傳畧之也

遂攻徐州二年四月龐師古克徐州殺時溥王如徐州以師古為留後遂攻兗鄆乾寧元年二月王及朱宣戰于漁山大敗之二年八月又敗宣于梁山十一月又敗之于鉅野兗鄆求救于河東李克用發兵救之假道于魏既而魏人擊之克用怒大舉攻魏羅弘信來求救遣葛從周救魏是歲李克用封晉王三年五月戰于洹水擒克用子落落送于魏殺之七月鳳翔李茂貞犯京師天子出居于華州王請以兵赴難天子優詔止之又請

遷都洛陽不許四年正月龐師古克鄆州王如鄆州以
朱友裕為留後遂攻兗州朱瑾奔于淮南以葛從周為
兗州留後九月大舉攻淮南十月龐師古出清口葛從
周出安豐王軍屯于宿州十一月楊行密遣朱瑾擊師
古師古敗死從周亟返兵至于潁河瑾又敗之王懼馳
歸光化元年三月天子以王兼天平軍節度使四月遣
葛從周攻晉之山東取邢洺磁三州襄州趙匡凝自其
父德諱時來附匡凝又與楊行密李克用通而其事泄

七月遣氏叔琮康懷英攻匡凝取其唐隨鄧三州匡凝
請和乃止十二月李罕之以潞州來降二年盧龍節度
使劉仁恭攻魏魏博節度使羅紹威來求救王赴之敗
仁恭于內黃四月遣氏叔琮攻晉太原不克七月李克
用取澤潞十一月保義軍亂殺其節度使王珙推其牙

將李璠為留後其將朱簡殺璠來降

新史朱友諒傳作璠得逃去與紀不

同蓋新史紀傳俱本舊史而舊史紀傳故自異也

以簡為保義軍節度使三年

四月遣葛從周攻劉仁恭之滄州取其德州及仁恭戰

于老鵝堤大敗之八月晉取洺州王如洺州復取之是
時鎮定皆附于晉遂攻鎮州破臨城王鎔來送款進攻
定州王郃奔于晉其將王處直以定州降唐宦者劉季
述作亂天子幽于東宮天復元年正月護駕都頭孫德
昭誅季述天子復立封王為梁王王遣張存敬攻王珂
于河中出含山下晉絳二州王珂援絕請降三月大舉
攻晉氏叔琮出太行取澤潞葛從周張存敬侯言張歸
厚及鎮定之兵皆會于太原圍之不克遇雨而還五月

天子以王兼河中尹護國軍節度使六月晉取慈隰自
劉季述等已誅宰相崔胤外與梁交欲假梁兵盡誅宦
者而鳳翔李茂貞邠寧王行瑜等各有挾天子以令諸
侯之意皆遣子弟以精兵宿衛天子中尉韓全誨等亦
因恃以為助天子與胤計誅宦者全誨等頗偵得之大
懼日夜謀所以去胤之術胤知謀泄事急即矯稱被密
詔令王以兵入誅宦者十月王以宣武宣義天平護國
兵七萬至於河中取同州遂攻華州鎮國軍節度使韓

建出降金誨等聞王且至即以岐邠宿衛兵劫天子奔
鳳翔王乃上書言肅所以召之之意天子怒罷肅相詔
梁兵還鎮王引兵去攻邠州屯于三原靜難軍節度使
楊崇本以邠寧慶衍四州降崔肅奔于華州二年春王
還軍河中晉攻晉絳遣朱友寧擊之于蒲縣敗之取汾
慈隰三州遂進圍太原不克而還汾慈隰復入于晉四
月友寧引兵西至興平及李茂貞戰于武功大敗之六
月王兵犯鳳翔茂貞數出戰輒敗遂圍之王朝服嚮城

而泣曰臣但欲奉迎車駕還宮耳不與岐王角勝也十一月保大軍節度使李周彝以兵救鳳翔王遣孔勅襲鄜州虜周彝之族徙于河中周彝乃降是時岐兵屢敗而圍久城中食盡自天子至後宮皆凍餒三年正月茂貞殺韓全誨等二十餘人囊其首示梁軍約出天子以相和解天子乃出幸梁軍遣使者馳召崔胤胤託疾不至王使人戲胤曰吾未識天子懼其非是子來為我辨之天子還至興平胤率百官奉迎王自為天子執轡且

泣且行行十餘里辭之乃止見者咸以為忠天子至自鳳翔王與崔胤殺宦者七百餘人二月天子賜王回天再造竭忠守正功臣以輝王祚為諸道兵馬元帥王為副元帥王乃留兄子友倫為護駕指揮使以為天子衛王引兵東歸天子餞于延喜樓賜楊柳枝五曲初梁兵已西平盧軍節度使王師範遣其將劉鄩襲兗州據之王已還梁四月如鄆州遣朱友寧攻青州師範敗之于石樓友寧死九月楊師厚克棣州師範以青州降而鄆

亦降友倫擊鞠墮馬死王怒謂崔曄殺之遣兄子友諒

殺曄于京師

新紀友諒作友謙今據家人傳

其與友倫擊鞠者皆殺之

更以友諒代典宿衛自天子奔華州王請遷都洛陽天子雖不許而王命河南尹張全義修治洛陽宮以待天祐元年正月王引兵屯河中遣牙將寇彥卿如京師請遷都洛陽并徙長安居人以東天子行至陝州王朝于行在先如東都是時六軍諸衛兵已散亡其從以東者惟小黃門十數人打毬供奉內園小兒等二百餘人行

至穀水王悉殺而代之以謀亂聞由是天子左右皆梁人矣四月甲辰天子至自西都是時晉王李克用岐王李茂貞楚王趙匡凝蜀王王建吳王楊行密聞梁劫天子遷洛陽皆欲舉兵討梁王患之而楊崇本復附于岐六月王乃以兵如河中聲言攻崇本遣朱友恭氏叔琮蔣玄暉等弒昭宗矯詔以輝王祚為嗣十月王朝于京師殺朱友恭氏叔琮十一月攻淮南取其光州攻壽州不克而旋二年二月遣蔣玄暉殺德王裕等九王于九

曲池六月殺司空裴贇等百餘人七月天子復使來賜
王迎鑒紀功碑王遣武寧節度使楊師厚攻襄州取其
唐鄧復郢隨均房七州王如襄州軍于漢北九月師厚
破襄州山南東道節度使趙匡凝奔于淮南荆南留後
趙匡明奔于蜀師厚取荆南遂出光州以攻壽州不克
天子卜祀天于南郊王怒以為蔣玄暉等欲祈天以延
唐祚天子懼改卜郊十一月辛巳天子封王為魏王相
國總百揆以宣武宣義天平護國天雄武順佑國河陽

義武昭義武寧保義忠義戎昭武定秦寧平盧匡國鎮

國荆南忠武二十一軍為魏國

新舊史戎昭俱作武昭考當時無此軍額茲據

通鑑備九錫王怒不受十二月天子以王為天下兵馬元

帥王益怒遣人告樞密使蔣玄暉與何太后有私殺玄

暉而焚之遂弒太后于積善宮又殺宰相柳璨太常卿

張廷範天子下詔以太后故停郊三年春魏博羅紹威

謀殺其牙軍來假兵以虞變王為發兵北攻劉仁恭之

滄州兵過魏而紹威已殺牙軍其兵在外者果皆叛

據貝衛瀘博諸州王以兵悉討平之遂攻滄州軍于長
蘆劉仁恭求救于晉晉人取潞州王乃旋軍開平元年
春正月壬寅天子使御史大夫薛貽矩來勞軍宰相張
文蔚率百官勸進夏四月壬戌更名晃甲子王即皇帝

位于汴州國號梁戊辰大赦

帝曾祖諱茂琳舊紀是年六月司天監上言請改日

辰內戊字為武字避諱也今紀凡日辰俱仍作戊字此正如唐紀日辰之內字俱不作景字也若洪邁謂溫父名誠以戊類成字故司天諂之者誤矣 改唐天祐四年為開平元年封唐

主為濟陰王遷置曹州以兵錮之并汴州為開封府建

為東都以唐東都為西都廢京兆府為雍州賜東都酺
一日契丹阿保機遣使者來五月丁丑朔以唐相張文
蔚楊涉為門下侍郎御史大夫薛貽矩為中書侍郎同
中書門下平章事乙酉封兄全昱為廣王子友文博王
友珪郢王友璋福王友貞均王友徽建王兄子友諒衡
王友能惠王友誨邵王甲午改樞密院為崇政院太府
卿敬翔為使是月潞州行營都指揮使李思安及晉人
戰敗績六月甲寅以平盧節度使韓建守司徒同中書

門下年章事秋七月己亥追尊祖考為皇帝妣為皇后
皇高祖諡曰宣元廟號肅祖祖妣范氏諡曰宣僖曾
祖茂琳諡曰光獻廟號敬祖祖妣楊氏諡曰光孝祖信
諡曰昭武廟號憲祖祖妣劉氏諡曰昭懿考誠諡曰文
穆廟號烈祖妣王氏諡曰文惠九月括馬冬十月己未
講武于繁臺十一月壬寅赦亡命背軍髡黥刑徒

二年春正月癸酉朔引見諸道貢舉人已亥卜郊於西
都二月癸亥弒濟陰王

新史此事在正月己亥之下而不係日考舊唐書哀帝紀作二

月二十二日新唐書紀亦作二月通鑑作二月
月癸亥癸亥即二月二十二日也今從之 辛未契丹

遣使者來三月壬申朔如西都丙子如懷州丁丑如澤

州戊寅封鴻臚卿李崧介國公為二王後壬午匡國軍

節度使劉知俊為潞州行營招討使癸巳改卜郊張文

蔚薨夏四月癸卯楊涉罷吏部侍郎于競為中書侍郎

翰林學士奉旨工部侍郎張策為刑部侍郎並同中書

門下平章事

新紀作翰林學士承旨禮部侍郎張策考
梁以諱改承旨為奉旨而六臣傳禮部作

工部今
改輯

壬子至澤州五月己丑潞州行營都虞候康懷

英及晉人戰于夾城敗績戊戌立唐三廟契丹遣使者

來六月壬寅以忠武軍節度使劉知俊為西路行營招

討使以伐岐

是年五月改同州匡國軍為忠武軍此劉知俊仍為同州節度使而非自同州遷許

州也己酉殺金吾衛上將軍王師範滅其族丙辰劉知俊

及岐人戰漢谷敗之秋九月丁丑如陝州以博王友文

留守東都冬十月丁未至自陝州十一月癸巳張策罷

左僕射楊涉同中書門下平章事十二月己亥以介國

公為三恪鄴國公萊國公為二王後

三年春正月甲戌如西都

按世多以梁為都汴州其實不然考通鑑于開平二年云

是歲帝將遷都洛陽三年春正月己巳遷太廟主于洛陽甲戌帝發大梁已卯至洛陽是梁此時實自東都遷于西都也且不特此也舊史開平元年其建東都制云興王之帝受命之邦暨沛著啟祚之美穰鄧有建都之榮用壯鴻基且旌故里云云又乾化元年二月壬戌詔曰東京舊邦久不巡幸宜以今月九日幸東都似是梁因乎唐本以洛陽為都特此襲位伊始未遽議遷且制置東方利于便近故並建汴都而郊裡大禮仍就西都行事厥後均王定亂趙巖貴傳國寶至東都請王即位于洛陽而王報之曰大梁國家創業之地何必洛陽可知洛陽自為上都而東都則止是唐東都之比故晉張昭達所奏亦僅云汴州在朱氏稱制之年有京都之號則知此下乾化二年所書四月己巳至自魏州戊寅如西都其內開府而外洛陽者語皆不合也

命燃燈

以祈福庚寅享于太廟辛卯有事于南郊大赦丙申羣臣上尊號曰睿文聖武廣孝皇帝二月壬戌講武于西杏園甲子延州高萬興叛于岐來降三月以萬興檢校司徒為丹延等州安撫招討等使甲戌如河中山南東道節度使楊師厚為潞州四面行營招討使劉知俊取丹州夏四月丙午知俊克延鄜坊三州五月己卯至自河中殺佑國軍節度使王重師六月庚戌劉知俊執佑國軍節度使劉捍叛附于岐辛亥如陝州己卯以冀王

朱友諒為同州東面行營招討使劉知俊奔于岐丹州
軍亂逐其刺史宗知誨秋七月商州軍亂逐其刺史李
稠乙丑克丹州乙亥至自陝州甲申襄州軍亂殺其留
後王班房州刺史楊虔叛附于蜀八月辛亥降死罪囚
辛酉均州刺史張敬方克房州閏月癸酉契丹遣使者
來己卯閱稼于西苑九月壬寅行營招討使左衛上將
軍陳暉克襄州丁未以保義軍節度使王檀為潞州東
面行營招討使辛亥韓建楊涉罷以太常卿趙光逢為

中書侍郎翰林學士奉旨工部侍郎杜曉為戶部侍郎
並同中書門下平章事辛酉李洪楊慶伏誅冬十一月
甲午日南至告謝于南郊己酉搜訪賢良鎮國軍節度
使康懷英伐岐十二月懷英克寧慶衍三州及劉知俊
戰于升平敗績

四年春正月壬辰朔始用樂丁未講武于榆林二月己
丑閱稼于穀水秋八月丙寅如陝州河南尹張宗奭留
守西都辛未以鎮國軍節度使楊師厚為西路行營招

討使以伐岐

新紀鎮國作獲國考楊師厚無鎮河中事此時鎮河中者為朱友諒而師厚則陝州

節度也並
據通鑑

九月己丑至自陝州辛亥搜訪賢良冬十一

月己丑以寧國軍節度使王景仁為北面行營招討使
以伐趙趙王王鎔北平王王處直叛附于晉晉人救趙
十二月癸酉頒律令格式

乾化元年春正月丙戌朔日有食之丁亥王景仁及晉
人戰於栢鄉敗績唐寅赦流罪以下求危言正諫癸巳
宣義軍節度使楊師厚為北面行營招討使

新紀宣義
作天雄考

楊師厚于乾化元年二月始以宣義節度屯魏
州其時天雄留後則羅周翰也茲據通鑑正之夏四月

壬申契丹遣使者來五月甲申朔大赦改元癸巳如張

宗奭第秋八月甲子契丹陷平州戊辰闕祿于榆林戊

寅大閱于興安鞠場九月辛巳朔御文明殿入閤庚子

如魏州張宗奭留守西都冬十月以郢王友珪為控鶴

指揮使丙子大閱於魏東郊十一月高萬興取鹽州壬

辰至自魏州

二年春二月丁巳光祿卿盧玘使于蜀甲子如魏州張

宗與留守西都次白馬殺左散騎常侍孫儒右諫議大

夫張衍兵部郎中張儁戊寅如貝州三月丙戌克棗強

屠之丁未復如魏州夏四月己巳至自魏州

下書如西
部則此至

東都
可知

戊寅如西都五月丁亥降死罪已下囚罷役徒禁

屠及捕生是月薛貽矩薨帝不豫六月戊寅邾王友珪

反皇帝崩于寢殿年六十一諡曰神武元聖孝皇帝廟

號太祖陵曰宣陵

太祖開平四年

其元年即唐
天祐四年

乾化二年凡六年

末帝諱瑱太祖第三子也母曰元貞皇后張氏初名友貞為人美容貌沈厚寡言雅好儒士太祖即位封均王為左天興軍使檢校司空東京馬步軍都指揮使乾化二年六月太祖遇弒友珪自立矯詔殺博王友文于東都以弒帝之罪歸之以王為東京留守開封尹敬翔為中書侍郎同中書門下平章事戶部尚書李振為崇政院使明年春正月友珪改元曰鳳歷二月駙馬都尉趙巖至東都王私與之謀誅友珪遣馬慎交之魏州見楊

師厚計事師厚遣使至洛陽告左龍虎統軍袁象先使
討賊是時懷州龍驤屯兵叛方捕索之王乃偽為友珪
詔書發左右龍驤在東都者皆還洛陽因激怒之曰天
子以懷州屯兵叛追汝等欲盡坑之諸將皆泣莫知所
為王曰先皇帝經營王業三十餘年今日尚為友珪所
殺汝等安所逃死乎因出太祖畫像示之而泣曰汝能
趨洛陽擒逆賊則轉禍為福矣衆皆踊躍呼萬歲請王
為主王乃遣人趨象先等庚寅象先等以禁兵突入宮

討友珪友珪死諸軍掠都市杜曉見殺象先遣趙巖賈
傳國寶至東都請王入洛陽王報曰夷門太祖所以興
王業也國家藩鎮多在東方命將出師利于便近何必
洛陽乃即帝位於東都復稱乾化三年追廢友珪為庶
人復博王友文官爵三月丁未帝更名鐔夏五月楊師
厚克滄州秋九月甲辰以御史大夫姚洎為中書侍郎
同中書門下平章事冬十二月晉人取幽州

四年春二月以感化軍節度使康懷英為永平軍節度

使夏四月丁丑貶于競為萊州司馬秋八月以福王友
璋為武寧軍節度使前武寧節度使蔣殷叛附于吳九
月命天平軍節度牛存節討之冬十月吳人救徐州存
節擊敗之

貞明元年春正月存節克徐州三月丁卯趙光逢罷以
平盧軍節度使賀德倫為天雄軍節度使分其相澶衛
州為昭德軍以宣徽使張筠為節度使己丑天雄軍亂
賀德倫叛附于晉靜難軍留後李保衡以邠寧二州叛

于岐來附夏六月庚寅朔晉王李存勗入于魏州遂取

德州冬十月辛亥康王友孜反伏誅十一月乙丑改元

吳越備史云正月壬辰朔改元大赦與此不同耀州溫昭圖叛于岐來附是歲

更名瑱

二年春二月匡國軍節度使王檀合河中陝同華諸鎮

兵襲晉陽不克而還三月鎮南軍節度使劉鄩反晉人

戰于故元城敗績奔于滑州晉人取衛州又攻惠州取

之夏四月晉人取沼州捉生都將李霸反伏誅秋七月

晉人取相州張筠奔于京師晉人攻邢州保義軍節度

使闔竇叛附于晉

新紀保義作安國考職方考邢州梁為保義軍唐改安國此自梁言之不

當便云安國也

八月丁酉以太子太保致仕趙光逢為司空兼

門下侍郎同中書門下平章事九月晉人取滄州順昌

軍節度使戴思遠奔于京師晉人克貝州守將張源德

死之冬十月丁酉以中書侍郎鄭珏同中書門下平章

事

按是年新舊史皆有二月丙申楊涉罷之文考涉嘗再相再罷紀傳已多異同而此但書涉罷又不見其

入相年月當是衍出也茲依通鑑刪之

三年夏四月辛卯右千牛衛大將軍劉璩使于契丹
秋九月貶劉鄩為亳州團練使冬十二月以宣義軍節
度使賀瓌為北面行營招討使己巳如西都卜郊晉人
取楊劉

四年春正月不克郊己卯至自西都夏四月己酉以尚
書吏部侍郎蕭頊為中書侍郎同中書門下平章事己
巳趙光逢罷冬十二月庚子朔賀瓌殺其將謝彥章孟
審澄侯溫裕癸亥瓌反晉人戰于胡柳敗績是歲秦寧

軍節度使張守進叛附于晉以剡鄆為兗州安撫制置使以討之

五年春正月晉軍于德勝秋八月乙未以開封尹王瓚為北面行營招討使冬十月剡鄆克兗州張守進伏誅十二月晉人取濮陽以天平軍節度使霍彥威為北面行營招討使

六年夏四月己亥降死罪以下乙巳以尚書左丞李琪為中書侍郎同中書門下平章事護國軍節度使朱友

謙襲同州殺其節度使程全暉叛附于晉

反謀傳作逆程全暉與此

同泰寧軍節度使劉鄩討之秋七月陳州妖賊母乙反
自稱天子九月庚寅以供奉官郎公遠為契丹歡好使
冬十月母乙伏誅

龍德元年春鎮州將張文禮殺其節度使王鎔來乞師
不許三月丁亥朔禁私度僧尼陳州刺史惠王友能反
夏五月丙戌朔改元降流罪已下秋赦友能降封虜陵
侯以天平軍節度使戴思遠為北面行營招討使冬十

月思遠反晉人戰于戚城敗績

二年春正月思遠襲魏州取成安秋八月滑州兵馬留
後段凝克衛州執其刺史李存儒戴思遠克淇門共城
新鄉

三年春三月昭義軍節度使李繼韜叛于晉來附夏四
月晉王李存勗即皇帝位閏月壬寅唐襲鄆州取之五
月庚申以宣義軍節度使王彥章為北面行營招討使
取德勝南城秋八月徵彥章還以段凝為北面行營招

討使先鋒將康延孝叛降于唐冬十月甲戌王彥章攻
鄆州唐人逆戰于中都彥章敗績死之唐人取曹州盜

竊傳國寶奔于唐

謹按通鑑輯覽

御批泰璽久經煨燼不足置議向嘗詳論反之至如宗白之
說璽當有二如李心傳之說璽更當有三其真贋又何從
而辨乃晉得之而存鼎據為受命之符梁失之而歐陽修
特書曰盜竊傳國寶夫存鼎踰安國無足責歐陽修尚稱
有識者而亦斤斤于此何耶戊寅皇帝崩年三十六敬翔自殺梁亡

末帝乾化二年

仍太祖年號
稱三年四年

貞明六年龍德三年

凡十一年

右梁二帝合十六年

欽定續通志卷十九

欽定四庫全書

欽定續通志卷二十

後唐紀一

莊宗

莊宗皇帝諱存勗晉王李克用長子也其先本號朱邪
蓋出於西突厥至其後世別自號曰沙陀而以朱邪為
姓唐德宗時有朱邪盡忠者居於北庭之金滿州貞元
中吐蕃贊普攻陷北庭徙盡忠於甘州而役屬之其後

贊普為回鶻所敗盡忠與其子執宜東走贊普怒追之
及于石門關盡忠戰死執宜走歸唐唐居之鹽州以隸
河西節度使范希朝希朝徙鎮太原執宜從之居定襄
神武川之新城其部落萬騎皆驍勇善騎射號沙陀軍
執宜死其子曰赤心懿宗咸通十年神策大將軍康承
訓統十八將討龐勛於徐州以朱邪赤心為太原行營
招討沙陀三部落軍使以從破勛功拜單于大都護振
武軍節度使賜姓名李國昌以之屬籍沙陀素強而國

昌恃功益橫恣懿宗患之十三年徙國昌雲州刺史大同軍防禦使國昌稱疾拒命而國昌子克用尤善騎射能仰中雙鳧為雲州守捉使國昌已拒命克用乃殺大同軍防禦使段文楚據雲州自稱留後唐以太僕卿盧簡方為振武節度使會幽并兵討之簡方行至嵐州而卒軍潰

新紀嵐州作鳳州考鳳州非簡方軍行之地也茲據舊唐書改

由是沙陀侵掠

代北數為邊患明年僖宗即位以前河東節度使李業遇沙陀有恩而業已死乃以其子鈞為靈武節度使宣

慰沙陀六州三部落使以招輯之拜克用大同軍防禦使居久之國昌出擊党項吐渾赫連鐸襲破振武克用聞之自雲州往迎國昌而雲州人亦閉關拒之國昌父子無所歸乃掠蔚朔間得兵三千國昌入保蔚州克用還據新城僖宗乃拜鐸大同軍使以李鈞為代北招討使以討沙陀乾符五年沙陀破遮虜軍又破奇嵐軍而唐兵數敗沙陀由此益熾北據蔚朔南侵忻代嵐石至于太谷焉廣明元年招討使李琢會幽州李可舉雲州

赫連鐸擊沙陀克用與可舉相拒于雄武軍其叔父友
金以蔚朔州降于琢克用聞之遽還可舉追至藥兒嶺
大敗之琢軍夾擊又敗之于蔚州沙陀大潰克用父子
亡入達靼克用少驍勇軍中號曰李鷄兒其一目眇也
及其貴也又號獨眼龍其威名蓋於代北克用在達靼
久之鬱鬱不得志赫連鐸又陰賂達靼使取之克用知
之因時時從其羣豪射獵或掛針於木或立馬鞭百步
射之輒中羣豪皆服以為神黃巢已陷京師中和元年

代北起軍使陳景思發沙陀先所降者與吐渾安慶等
萬人赴京師行至絳州沙陀軍亂大掠而還景思念沙
陀足用顧非克用不可將乃以詔書召克用於達靼承
制以為代州刺史鴈門以北行營節度使克用率蕃漢
萬人出石嶺關過太原節度使鄭從謹閉城以備之薄致
犒軍錢米克用怒縱兵大掠而還二年十一月景思克
用復以步騎萬七千自嵐石路赴京師克用獨與數百
騎過晉陽城下與從謹別從謹厚贈之三年正月至于

河中進屯乾坑巢黨驚曰鴟兒軍至矣二月敗巢將黃
鄴於石隄谷三月又敗趙章尚讓於良田坡橫尸三十
里是時諸鎮兵皆會長安大戰渭橋賊敗走入城克用
乘勝追之自光泰門先入戰望春宮昇陽殿巢敗走出
藍田關京師平克用功第一天子拜克用檢校司空同
中書門下平章事河東節度使以國昌為鴈門以北行
營節度使十月國昌卒十一月遣其弟克修攻孟方立
取其澤潞二州方立走山東以邢洛磁三州自別為昭

義軍黃巢南走至蔡州合於秦宗權遂攻陳州四年克
用以兵五萬救陳州出天井關假道河陽諸葛爽不許
乃自河中渡河四月敗尚讓於泰康又敗黃鄴於西華
巢且走且戰趣汴州朱全忠告急于克用巢至中年臨
河欲渡而克用追及之賊衆驚潰比至封丘又敗之巢
脫身走克用追之一日夜馳三百里至于宛胸不及而
還過汴州休軍封禪寺朱全忠固請克用入城饗之於
上源驛夜酒罷克用醉卧伏兵發火起侍者郭景銖滅

燭匿克用牀下以水沃其面而告以難克用始張目援
弓而起會天大雨滅火克用得從者薛鐵山賀回鶻等
隨電光縋尉氏門而出還軍中七月至于太原訟其事
于京師請加兵於汴遣弟克修將兵萬人屯于河中以
俟朝命僖宗和解之用破黃巢功封克用隴西郡王光
啟元年河中王重榮與宦者田令孜有隙徙重榮克州
以定州王處存為河中節度使詔克用以兵護處存之
鎮重榮使人約克用曰天子詔重榮俟克用至與處存

共誅之因偽為詔書示克用曰此朱全忠之謀也克用信之八上表請討全忠僖宗不許克用大怒重榮既不肯徙僖宗遣邠州朱玫鳳翔李昌符討之克用乃以兵助重榮敗玫于沙苑遂逼京師天子出居于興元克用退屯河中而朱玫亦反以兵追天子不及得襄王煚迫之稱帝屯于鳳翔僖宗念獨克用可以破玫而不能使也當破黃巢長安時天下兵馬都監楊復恭與克用善乃遣諫議大夫劉崇望以詔書召克用且道復恭意使

進兵討政等克用許諾而未行昭宗龍紀元年孟方立死其弟遷立明年遣李存孝擊破孟遷取邢洺磁三州乃遣安金俊攻赫連鐸於雲州幽州李匡威救鐸戰於蔚州金俊大敗於是匡威鐸及朱全忠等皆請因其敗伐之昭宗以克用破黃巢功高不可伐下其事臺省四品官議議者多言不可宰相張濬獨以謂沙陀前逼僖宗幸興元罪當誅失今不取後悔無及軍容使楊復恭克用所善也亦極諫以為不可昭宗然之以詔諭全忠等

而濬持其議益堅昭宗不得已削克用屬籍官爵以濬
為太原四面行營都招討使京兆尹孫揆副之是時潞
州將馮霸叛降于梁梁遣葛從周入潞州昭宗以孫揆
為招義軍節度使克用遣李存孝執揆于長子遂取潞
州十一月張濬出陰地關存孝等與戰敗之三戰三敗
之濬遯歸克用遂大掠晉絳至于河中乃上表自訴其
辭頗慢侮天子為之引咎優詔答之二年二月復拜克
用河東節度使隴西郡王加檢校太師兼中書令四月

攻赫連鐸于雲州圍之百餘日鐸走吐渾八月大蒐于
太原出晉絳掠懷孟至于邢州遂攻王鎔于鎮州克用
以十餘騎渡潯池覘敵遇大雨平地水深數尺鎮人襲
之克用匿林中禱其馬曰吾世有太原者馬不嘶馬偶
不嘶以免前軍李存孝取臨城進攻元氏李匡威救鎔
克用退軍邢州景福元年王鎔攻邢州李存信李嗣勲等
敗之于堯山二月會王處存攻趙戰于新市為鎔所敗
八月李匡威攻雲州以牽攻趙之兵而克用潛入于雲

州返出擊匡威匡威敗走十月李存孝以邢州叛二年
存孝求援於王鎔克用出兵井陘擊鎔且以書招鎔而
急攻其平山鎔懼請和獻帛五十萬匹且出兵助攻邢
州乾寧元年三月執存孝殺之冬遣李存審攻幽州李
匡儔棄城走滄州見殺以劉仁恭為留後二年河中王
重盈卒其諸子珂珙爭立克用請立珂而鳳翔李茂貞
邠寧王行瑜華州韓建請立珙昭宗初兩難之乃以宰
相崔胤為河中節度使既而許克用立珂茂貞等怒合

三鎮兵犯京師克用乃大舉蕃漢兵南下三鎮懼皆罷去六月克用攻絳州斬刺史王瑤瑤珙弟助珙以爭者也七月至于河中同州王行約奔于京師陽言曰沙陀十萬至矣謀奉天子幸邠州茂貞假子閻圭時宿衛京師亦謀劫幸鳳翔京師大亂昭宗出居于石門克用軍留月餘不進昭宗遣延王戒丕丹王允以兄事克用且告急八月克用進軍渭橋拜邠寧四面行營都統昭宗還京師十一月克用攻邠州破之王行瑜走至慶州見

殺克用還軍雲陽仍請討茂貞昭宗慰諭之使與茂貞
解仇以紓難賜號忠正平難功臣封晉王是時晉軍久
屯渭北或勸克用入朝克用意未決都押衙蓋寓曰天
子初還自外寢未安席若晉兵渡渭恐復驚擾都邑人
臣盡忠勤王而已何必朝哉克用笑曰蓋寓猶不信我
況天下乎乃收軍而還三年正月昭宗欲復以張濬為
相克用曰此朱全忠之謀也乃上表曰若陛下朝以濬
為相則臣暮至于闕廷京師大恐濬命遽止朱全忠數

攻兗鄆朱宣朱瑾來乞師克用遣李存信假道于魏以
救之存信屯于莘縣軍士不戢羅弘信伏兵攻之存信敗
走潞州克用自將擊魏戰于洹水亡其子鐵林指揮使
落落六月破魏成安洹水臨漳等縣十月又敗魏人于
白龍潭進攻觀音門全忠救至乃還四年劉仁恭叛克
用以兵五萬擊之戰于安塞大敗光化元年朱全忠遣
葛從周攻下邢洺磁三州克用遣周德威出青山口遇
從周于張公橋德威大敗冬潞州守將薛志勤卒李罕

之入據潞州叛附于朱全忠遣李嗣昭討之嗣昭取澤
州二年全忠遣氏叔琮攻破承天軍又破遼州至于榆
次周德威敗之于洞渦全忠將丁會攻澤州下之秋李
嗣昭復取澤潞三年嗣昭敗汴軍于沙河復取洺州朱
全忠自將圍之嗣昭走至青山口遇汴伏兵嗣昭大敗
秋嗣昭取懷州是歲汴人攻鎮定鎮定皆絕晉以附于
朱全忠天復元年全忠封梁王梁攻下晉絳河中執王
珂以歸克用既失三與國乃下意為書幣聘梁以求和

全忠以為晉弱可取乃曰晉雖請盟而書辭慢因大舉
擊晉四月氏叔琮入天井張文敬入新口葛從周入土
門王處直入飛狐侯言入陰地叔琮取澤潞其別將白
奉國會王鎔兵自井陘入破承天軍遼州守將張鄂汾
州守將李瑋皆迎降晉人大懼會天大雨霖梁兵多疾皆
解去五月李存審復取汾州誅李瑋六月周德威李嗣
昭取慈隰三年進攻晉絳大敗于蒲縣梁軍乘勝破汾
慈隰三州遂圍太原克用大懼謀出奔雲州又欲奔匈

奴未決梁軍大疫解去周德威復取汾慈隰三州四年
梁遷天子於洛陽改元曰天祐克用以謂却天子以遷
都者梁也天祐非唐號不可稱乃仍稱天復天復五年
會契丹阿保機於雲中約為兄弟六年梁攻燕滄州圍
之燕王劉仁恭來乞師克用恨仁恭反覆欲不許其子
存勗諫曰此吾復振之時也今天下之勢歸梁者十七
八彊如趙魏中山莫不聽命自河以北能為梁患者獨
我與仁恭耳若燕與梁合非我之福也夫為天下者不

顧小怨且彼常困我而我急其難以德懷之是謂一舉而兩得此不可失之機也克用以為然乃為燕出兵攻破潞州梁乃解圍去以李嗣昭為潞州留後七年梁兵十萬攻潞州圍以夾城遣周德威救潞州軍于亂柳冬克用疾是歲梁滅唐克用復稱天祐四年五年辛卯克用卒年五十三而存勗嗣為晉王初克用破孟方立于邢州還軍上黨置酒三垂岡伶人奏百年歌至于衰老之際聲辭甚悲坐上皆悽愴時存勗在側方五歲克用

慨然捋鬚指而笑曰吾行老矣此奇兒也後二十年其能代我戰于此乎存勗年十一從克用破王行瑜遣獻捷于京師昭宗異其狀貌賜以鸛鵲卮翡翠盤而撫其背曰兒有奇表後當富貴無忘予家及長善騎射膽勇過人稍習春秋通大義尤喜音聲歌舞俳優之戲至是嗣位于太原叔父克寧殺都虞候李存質二月執克寧殺之且以先王之喪叔父之難告周德威德威自亂柳還軍太原梁兵圍潞州者聞晉有大喪德威軍且去因

頗懈王謂諸將曰梁人幸我大喪謂我少而新立無能為也宜乘其怠擊之乃出兵趨上黨行至三垂岡歎曰此先王置酒處也會天大霧晝暝兵行霧中攻其夾城破之梁軍大敗凱旋告廟九月蜀王王建岐王李茂貞及楊崇本攻梁大安晉亦遣周德威攻其晉州敗梁軍于神山六年劉知俊叛梁來乞師王自將至陰地關遣周德威攻晉州敗梁軍于蒙阮七年冬梁遣王景仁攻趙趙王王鎔來乞師會王處直使者亦至欲共推王為

盟主合兵攻梁乃發兵救趙八年正月敗梁軍于柏鄉
斬首二萬級獲其將校三百人馬三千匹進攻邢州不
下留兵圍之去攻魏別遣周德威徇梁夏津高唐攻博
州破東武朝城遂擊黎陽臨河淇門掠新鄉共城燕王
劉守光聞晉兵深入乃大治兵聲言助晉王患之乃旋
師七月會趙王王鎔于承天軍劉守光稱帝于燕九年
正月遣周德威會鎮定以攻燕守光求救于梁梁軍攻
趙屠棗彊李存審擊走之八月朱友謙以河中叛于梁

來降梁遣康懷英討友謙復臣于梁而亦陰附于晉十年十月劉守光請降王如幽州守光背約不降攻破之十一月殺劉守光于太原用其父仁恭于鴈門於是趙王王鎔北平王王處直奉冊推王為尚書令始建行臺七月攻梁邢州戰于張公橋敗績十二年魏州軍亂賀德倫以魏博二州叛于梁來附王入魏州行至永濟誅其亂首張彥以其兵五百自衛號帳前銀鎗軍六月王兼領魏博節度使取德州七月取澶州劉鄩軍于洹水

王率百騎覘其營遇鄆伏兵圍之數重決圍而出亡七八騎八月梁復取澶州晉軍與鄆對壘于莘晉軍數挑戰鄆閉壁不出十三年正月王留李存審于莘聲言西歸鄆即引兵擊魏攻其城東王行至貝州返擊之鄆大敗追至于故元城又敗之鄆走黎陽三月克衛州降其刺史米昭克磁州殺其刺史靳昭四月克洺州八月圍邢州降其節度使閻寶梁張筠棄相州戴思遠棄滄州而逃遂取二州而貝州人殺梁守將張源德以城降契

丹寇蔚州執振武節度使李嗣本十四年契丹寇新州
遂寇幽州李嗣源擊走之梁謝彥章軍于楊劉十二月
王攻楊劉親負芻以堙壑遂破之十五年正月梁晉相
拒于楊劉彥章決河水以隔晉軍六月渡水擊彥章破
其四寨八月大閱于魏合盧龍橫海昭義安國及鎮定
之兵十萬馬萬匹軍于麻家渡謝彥章軍于行臺十二
月進軍臨濮梁軍追之戰于胡柳晉軍大敗周德威死
之梁軍暮休于土山晉軍復擊大敗之遂軍德勝為夾

寨十六年正月王兼領盧龍軍節度使十月廣德勝北
城十二月敗梁王瓚軍于河南十七年朱友謙襲同州
梁遣劉鄩擊友謙李存審敗梁軍于同州十八年正月
魏州僧傳真獻唐受命寶一趙將張文禮弑其君鎔來
請命二月以文禮為鎮州兵馬留後三月河中節度使
朱友謙昭義軍節度使李嗣昭橫海軍節度使李存審
義武軍節度使王處直安國軍節度使李嗣源鎮州兵
馬留後張文禮領天平軍節度使閻寶大同軍節度使

李存瑋振武節節度使李存進匡國軍節度使朱令德
請王即皇帝位王三辭友諲等三請王曰予當思之八
月遣趙王王鎔故將符習及閻寶史建瑋等攻張文禮
于鎮州建瑋取趙州張文禮卒其子處瑾閉城拒守九
月建瑋戰死十月梁戴思遠攻德勝北城李嗣源敗之
于戚城王處直叛附于契丹其子都幽處直以來附十
二月契丹寇涿州遂寇定州十九年正月敗契丹于新
城望都追奔至于幽州三月閻寶敗于鎮州以李嗣昭

代之四月嗣昭戰死以李存進代之八月梁取衛州九月存進敗鎮人于東垣存進戰死十月李存審克鎮州王兼領成德軍節度使

同光元年春三月李繼韜以潞州叛附于梁夏四月己巳晉王即皇帝位因唐國號大赦改元尊母晉國太夫人曹氏為皇太后以行臺左丞相豆盧革為門下侍郎右丞相盧程為中書侍郎並同中書門下平章事中門使郭崇韜昭義監軍張居翰為樞密使以魏州為東京

太原為西京鎮州為北都下詔求賢良方正直言極諫
閏月追尊祖考為皇帝妣為皇后曾祖執宜祖妣崔氏
皆諡曰昭烈廟號懿祖祖國昌祖妣秦氏皆諡曰文景

廟號獻祖

唐宣皇帝廟號獻祖光皇帝廟號懿祖後唐既承唐後而復尊其祖為懿祖獻祖是議禮者之失

也考諡曰武廟號太祖立廟于太原自唐高祖太宗懿

宗昭宗為七廟壬寅李嗣源取鄆州五月辛酉梁人取

德勝南城六月及王彥章戰于新壘敗之是月盧程罷

秋八月梁人克澤州

唐末澤潞皆屬晉梁初已得澤州至此又屬晉而梁克之中間不見

晉得澤州年月蓋舊史闕不書五代之亂爭戰攻取彼此得失不常多類此也守將裴約死之

九月戊辰李嗣源及王彥章戰于遞坊敗之冬十月辛

未朔日有食之壬申如鄆州以襲梁甲戌取中都丁丑

取曹州己卯滅梁丙戌貶鄭珏為萊州司戶叅軍蕭頤

登州司戶叅軍殺李振趙巖張漢傑朱珪滅其族己丑

降死罪流己下原之十一月乙巳復北都為鎮州太原

為北都丙辰復汴州為宣武軍丁巳以尚書左丞趙光

胤為中書侍郎禮部侍郎韋說同中書門下平章事辛

酉復永平軍為西都甲子如洛京十二月庚午朔至自
汴州辛巳李繼韜伏誅繼韜之弟繼達殺其兄繼儔于
潞州壬辰畋于伊闕

二年春正月河南尹張全義及諸鎮進暖殿物己酉求
唐宦者遣使迎皇太后于晉陽庚申如河陽辛酉至自
河陽丁卯七廟神主至自太原祔于太廟朝獻于太微
宮戊辰享于太廟二月己巳朔有事于南郊大赦癸酉
羣臣上尊號曰昭文睿武光孝皇帝癸未立魏國夫人

劉氏為皇后是月刑部尚書盧質上同光刑律統類三
月庚戌賜從平汴州及入洛南郊立仗軍士等功臣號
庚申以工部郎中李塗為長安按視諸陵使潞州將楊
立反夏五月壬寅以教坊使陳俊為景州刺史內園栽
接使儲德源為憲州刺史丙寅李嗣源克潞州六月丙
子楊立伏誅秋七月己酉如雷山賽天神九月壬子置
水於城門以禳災感甲寅幸郭崇韜第冬十一月癸卯
畋於伊闕命從官拜梁太祖墓

謹按通鑑輯覽

御批
命莊宗藉始終為唐之名能滅朱梁乃方欲戰屍旋
拜墓顛倒無據若或視其魄者尚何足觀其後乎
丙午

至自伊闕十二月庚午及皇后幸張全義第

三年春正月庚子如東京毀即位壇為鞠場二月己巳
聚鞠于新場乙亥射鴈于王莽河辛巳射鴈於北郊乙
酉射鴨於郭泊庚寅射鴈於北郊三月乙未寒食望祭
於西郊庚申至自東京辛酉改東京為鄴都以洛京為
東都夏四月癸亥朔日有食之乙亥及皇后幸郭從韜
朱漢賓第庚寅趙光胤薨五月丁酉皇太妃薨廢朝五

日六月辛未以宗正卿李紆為昭宗少帝改卜園陵使
括馬秋七月壬寅皇太后崩八月癸未殺河南縣令羅
貫九月庚子以魏王繼岌為西川四面行營都統郭崇
韜為招討使以伐蜀丁巳射鴈於尖山冬十一月己酉
蜀王衍降郭崇韜殺王宗弼及其弟宗渥宗訓滅其族
十二月己卯敗於白沙癸未至自白沙閏月辛亥封弟
存美為邕王存霸永王存禮薛王存渥申王存乂睦王
存確通王存紀雅王

四年春正月壬戌降死罪以下甲子魏王繼岌殺郭崇

韜及其二子於蜀

新紀二子作三子此據本傳改

庚辰殺睦王存乂及

護國軍節度使李繼麟滅其族丁亥殺李繼麟之將史

武薛敬容周唐殷楊師太王景來仁白奉國皆滅其族

二月己丑以宣徽南院使李紹宏為樞密使癸巳鄴都

軍將趙在禮反于貝州甲午敗于冷泉趙在禮陷鄴

都以歸德軍節度使李紹榮討之丁酉西川行營指揮使康延

孝反庚子邢州軍將趙太反以武寧軍節度使李紹真

討之甲寅以成德軍節度使李嗣源討趙在禮

新舊紀是日俱

作甲辰而此下及明宗紀凡三月所係日俱適差十日茲並據通鑑改正

三月丁巳趙太伏

誅李嗣源反博州守將翟建自稱刺史乙丑西川副招

討使任圜討康延孝擒之甲戌殺王衍滅其族乙亥如

汴州壬午次滎澤龍驤指揮使姚彥溫以前鋒軍叛降

于李嗣源嗣源入于汴州甲申至自萬勝從馬直指揮

使郭從謙反夏四月丁亥朔皇帝崩年四十三諡曰光

聖神閔孝皇帝廟號莊宗陵曰雍陵

莊宗同光四年

欽定續通志卷二十

欽定四庫全書

欽定續通志卷二十一

後唐紀二

明宗

愍帝

廢帝

明宗皇帝世本代北無姓氏父電為鴈門部將生子邈
佶烈以騎射事太祖為人質厚寡言執事恭謹太祖養
以為子賜名嗣源梁之攻兗鄆也太祖遣李存信將兵
三萬救兗鄆存信留莘縣不進使嗣源別以兵三千先

擊梁兵梁兵解去存信為羅弘信所襲敗走嗣源獨殿而還太祖以嗣源所將騎五百號橫衝都光化三年李嗣昭攻梁邢洺出青山遇葛從周兵嗣昭大敗走梁兵追之嗣源從間道後至謂嗣昭曰為公一戰乃解鞍礪鏃憑高為陣左右指畫梁追兵望之莫測嗣源急呼曰吾取從周士卒可無動乃馳騎犯之出入奮擊嗣昭繼進梁兵解去嗣源身中四矢太祖解衣賜藥以勞之由是李橫衝名重四方梁晉相拒于柏鄉梁龍驤軍以赤

白馬為兩陣旗幟鎧仗皆如馬色晉兵望之皆懼莊宗
舉鍾以飲嗣源曰卿望梁家赤白馬懼乎雖吾亦怯也
嗣源笑曰有其表爾翌日歸吾廐也莊宗大喜曰卿當
以氣吞之因引鍾飲醕奮槌馳騎犯其白馬挾二裨將
而還梁兵敗以功拜代州刺史莊宗攻劉守光嗣源及
李嗣昭將兵三萬別出飛狐定山後取武媯儒三州莊
宗已平魏州因徇下磁相拜相州刺史昭德軍節度使
徙鎮安國契丹攻幽州莊宗遣嗣源與閻寶等擊走之

同光元年徙鎮橫海是時梁唐相拒于河上李繼韜以潞州叛降梁莊宗有憂色召嗣源至帳中謂曰繼韜以上黨降梁而梁方急攻澤州吾出不意襲其鄆州以斷梁右臂可乎嗣源對曰夾河之兵久矣苟非出奇則大計不決臣請獨當之乃以步騎五千自德勝趣鄆州鄆人無備遂襲破之即拜天平軍節度使蕃漢馬步軍副都總管梁軍攻破德勝南柵莊宗退保楊劉王彥章急攻鄆州莊宗悉軍救之嗣源為前鋒擊敗梁軍追至中

都擒彥章及梁監軍張漢傑時段凝悉將梁兵屯河上
莊宗未知所嚮諸將多言宜乘勝以取青齊嗣源曰彥
章之敗凝猶未知使其間之遲疑定計亦須三日設若
知吾所向亟發救兵須自白馬南渡數萬之衆舟楫亦
難猝辦此去汴州不數百里前無險阻方陣而行信宿
可至汴州已破段凝豈足顧哉會郭崇韜亦勸莊宗入
汴莊宗以為然遣嗣源以千騎先至汴州攻封丘門王
瓚開門降莊宗後至見嗣源大喜手攬其衣以頭觸之

曰天下與爾共之進拜中書令二年莊宗祀天南郊賜
鐵券五月破楊立于潞州六月徙鎮宣武兼蕃漢內外
馬步軍總管冬契丹侵漁陽嗣源敗之于涿州三年徙
鎮成德莊宗幸鄴請朝行在不許貞簡太后疾請入省
又不許太后崩請赴山陵許之而契丹侵邊乃止十二
月遂朝于洛陽

天成元年

實同光四年而書天成元年者大赦改元文
見下可知莊宗紀自書同光四年各從其所

稱既曰改元
不嫌二號也

郭崇韜朱友謙皆以讒死嗣源以名位高

亦見疑忌趙在禮反於魏李紹榮攻之不克大臣皆請遣嗣源討賊莊宗不許羣臣屢請莊宗不得已遣之三

月壬戌嗣源至魏營于城西南在禮登樓謝罪甲子軍

變嗣源入于魏與在禮合已而出止魏縣丁卯以其兵

南行遣石敬瑭將三百騎為先鋒嗣源行過相州掠小

坊馬二千匹以益軍

新紀相州作鉅鹿在魏州之北嗣源自魏南行不得道出鉅鹿也茲

據康福傳

壬午入汴州四月丁亥莊宗遇弒己丑入洛陽甲

午監國朝羣臣于興聖宮乙未以中門使安重誨為樞

密使殺李紹榮及租庸使孔謙壬寅以左驍衛大將軍
孔循為樞密使丙午始奠於西宮即皇帝位于柩前易
斬纁以袞冕壬子魏王繼岌薨甲寅大赦改元是月張
居翰罷五月丙辰以太子賓客鄭珏工部尚書任國為
中書侍郎並同中書門下平章事戊辰以趙在禮為義
成軍節度使六月丁酉汴州控鶴軍亂指揮使張諫殺
其權知州事高遜已亥諫伏誅秋七月庚申安重誨殺
殿直馬延于御史臺門契丹使者來已卯賧豆盧革為

辰州刺史韋說叙州刺史甲申流革于陵州說于合州
八月乙酉朔日有食之丁酉以象筭三十二賜百官之
無筭者閱稼于冷泉宮己亥契丹寇邊丁未平盧軍節
度使霍彥威殺其登州刺史王公儼甲寅以醫官張志
忠為太原少尹祔莊宗于太廟祧懿宗室九月己未幸
至德宮及袁達豐第冬十月辛丑契丹使來告阿保機
之喪廢朝三日

二年春正月癸丑朔更名亶癸亥以端明殿學士兵部

侍郎馮道太常卿崔協為中書侍郎並同中書門下平

章事二月西川節度使孟知祥殺其兵馬都監李嚴丙

申赦京師因以郭從謙為景州刺史既而殺之

謹按通鑑輯覽

御批春秋

以趙盾不討賊則直筆書之嗣源之于從謙抑亦

甚矣方其入洛陽也軍威甚盛于誅一從謙何有必遲之

十月之久始誘而族之乎蓋其初固無殺之之心久而審

己度世知為清議所不容姑藉此以塞謗耳不然何不直

斥其弑逆之罪且先之以寵秩耶胡寅乃疑為畏其衆而

難圖惜其不及時以取悅不但不能識事機亦寔無當于南

董之義也

戊戌山南東道節度使劉訓為南面招討使以伐荆

南三月盧臺軍亂殺其將烏震夏四月庚寅盧臺軍將

龍旌等伏誅六月丙戌任圜罷庚子如白司馬坡祭突厥神秋七月甲子隨州刺史西方鄴取夔忠萬州癸酉殺豆盧革韋說八月己卯朔日有食之九月壬申契丹使者來冬十月乙酉如汴州宣武軍節度使朱守殷反馬步軍都指揮使馬彥超死之己丑克汴州守殷自殺乙未殺太子少保致仕任圜辛丑釋輕擊囚是月傳箭于霍彥威十一月乙亥契丹使者來十二月甲辰畋于東郊丙午追尊祖考為皇帝妣為皇后高祖諱曰孝

恭廟號惠祖祖妣劉氏謚曰孝恭昭曾祖教謚曰孝質
廟號毅祖祖妣張氏謚曰孝質順祖琰謚曰孝靖廟號
烈祖祖妣何氏謚曰孝靖穆考謚曰孝成廟號德祖妣
劉氏謚曰孝成懿立廟于應州

三年春正月丁巳契丹陷平州

通鑑注云元年冬廬文
進來奔唐得平州至是

復為契丹所陷四夷附錄亦云契丹當莊宗明宗時攻
陷營平二州考舊史劉守光傳守光僭號之日契丹陷
平州其年為晉之天祐八年又遼史太祖紀天贊二年
正月克平州二月以平州盧龍軍置節度使遼之天贊
二年乃唐莊宗同光元年即四夷附錄固已云自唐末
幽薊割據契丹因得出陷營平而于下方紀莊宗之末

趙德鈞鎮幽州云云知契丹之陷平州寔在明宗之前
再考張希崇傳云明宗時盧文進自平州亡歸契丹以
希崇代為平州節度使是文進歸唐未嘗挈平州以來
此正如張希崇代鎮平州後亦率其麾下南歸而平州
之屬契丹者如故也則明宗時不當復有契丹陷平
州之事然新舊史通鑑皆同故仍之而著其畧如此 二

月丁丑朔日有食之乙未孔循罷三月丁未朔御札求
直言己未鄭珏罷癸亥以成德軍節度使王建立為尚
書右僕射同中書門下平章事西方艱克歸州戊辰以
宣徽南院使范延光為樞密使夏四月戊寅延光罷義
武軍節度使王都反壬寅以歸德軍節度使王晏球為

北面行營招討使五月契丹將禿餒入于定州辛酉以
右衛上將軍趙敬怡為樞密使封回鶻可汗王仁裕為
順化可汗秋七月己未殺齊州防禦使曹廷隱八月盧
龍軍節度使趙德鈞執契丹首領惕隱赫邈慶州防禦
使竇廷琬反冬十月靜難軍節度使李敬周討之十一
月甲午王建立罷十二月李敬周克慶州竇廷琬伏誅
四年春二月癸卯王晏球克定州辛酉晏球獻馘俘斬
禿餒于市趙敬怡薨丁卯崔協薨庚午至自汴州三月

丙戌殺從子從璫夏四月契丹寇雲州癸丑契丹使撩
括梅里來求虎餒殺之甲寅以端明殿學士兵部侍郎
趙鳳為門下侍郎同中書門下平章事五月乙酉追謚
少帝曰昭宣光烈孝皇帝契丹寇雲州六月降鄴都依
舊為府秋七月壬申殺右金吾衛上將軍毛璋九月癸
巳殺供奉官烏昭遇冬十二月辛丑殺西平縣令李商
長興元年春正月丁卯開馬于苑辛卯以宣徽南院使
朱弘昭為大內留守二月乙巳以天雄軍節度使石敬

瑋為御營使癸丑朝獻于太微宮甲寅享于太廟乙卯
有事于南郊大赦改元三月庚寅立淑妃曹氏為皇后
出上陽門觀稼夏四月戊戌安重誨使河中衛內指揮
使楊彥溫逐其節度使從珂壬寅西京留守索自通侍
衛步軍指揮使藥彥稠討之辛亥自通執彥溫殺之戊
午羣臣上尊號曰聖明神武文德恭孝皇帝六月癸巳
朔日有食之秋七月壬午訪莊宗子孫瘞所八月乙未
以忠武軍節度使張延朗為三司使壬寅殺捧聖都軍

使李行德十將張儉滅其族吐渾來附封子從榮為秦
王戊申海州將王傳極殺其刺史陳宣叛于吳來降丙
辰封子從厚為宋王九月東川節度使董璋反甲申以
成德軍節度使范延光為樞密使丁亥以天雄軍節度
使石敬瑭為東川行營都招討使冬十月丁酉始藏冰
甲辰驍衛上將軍致仕張筠進助軍粟乙巳董璋陷閬
州殺節度使李仁矩指揮使姚洪死之孟知祥反十一
月庚申朔秦王從榮受冊謁于太廟丙戌契丹東丹王

突欲來奔十二月丁未二王後秘書丞鄴國公楊仁矩卒廢朝一日癸丑安重誨討董璋

二年春正月庚午董璋陷遂州武信軍節度使夏魯奇

死之

新紀在四月茲據蜀世家蓋絕誤以奏聞之日為城陷之日也

二月己丑石敬瑭

燒營旋師辛丑安重誨罷三月趙鳳罷丁亥以太常卿

李愚為中書侍郎同中書門下平章事夏四月甲辰以

宣徽北院使趙延壽為樞密使己酉以石敬瑭兼六軍

諸衛副使乙卯以旱赦流罪以下閏五月丁酉殺太子

太師致仕安重誨及其妻張氏子崇質崇緒秋八月己未契丹使者來九月丁亥放五坊鷹隼冬十一月甲申朔日有食之辛丑旌棣州民邢釗門閭十二月甲寅除鐵禁初稅農具錢

三年春正月庚子契丹使者來二月己卯靜難軍節度使藥彥稠反党項戰于牛兒谷敗之三月甲申契丹使者來夏五月己丑二王後唐事司直楊延紹襲封鄴國公丙午孟知祥攻董璋取綿州六月甲寅封王建為高

麗國王大義軍使孟知祥殺董璋取東川達靺首領頡
哥以其族來附秋七月孟知祥復稱藩冬十一月丁亥
以石敬瑭為北京留守河東節度使兼蕃漢馬步總管
四年春正月庚寅以端明殿學士兵部侍郎劉昫為中
書侍郎同中書門下平章事三月甲辰追冊晉國夫人
夏氏為皇后夏五月戊寅封子從珂為潞王從益許王
從子從溫兗王從璋洋王從敏涇王丙戌契丹使者來
秋七月乙未回鶻獻白鶻命放之八月戊申大赦九月

戊戌趙延壽罷以山南東道節度使朱弘昭為樞密使

冬十月庚申范延光罷以三司使馮贇為樞密使壬申

幸上和亭得疾

新舊史及通鑑上和俱作士和惟吳縝纂誤引此及從榮傳俱作上和今據改

十一月壬辰秦王從榮以兵入興聖宮不克伏誅乙未

侍衛親軍都指揮使康義誠殺三司使孫岳戊戌皇帝

崩于雍和殿年六十七謚曰聖德和武欽孝皇帝廟號

明宗陵曰徽陵

明宗天成四年

其元年即莊宗同光四年

長興四年凡八年

愍皇帝諱從厚明宗第三子也

新紀作第五子茲從舊紀及五代會要

母

曰昭懿皇后夏氏為人形質豐厚寡言好禮明宗以其貌類己特愛之天成二年以檢校司徒拜河南尹判六軍諸衛事加檢校太保同平章事從厚妃孔循女也安重誨怒循以女妻從厚三年罷循樞密使出從厚為宣武軍節度使徙鎮河東長興元年封宋王徙鎮成德又徙天雄累加兼中書令四年十一月秦王從榮誅死明宗病甚遣宦者孟漢瓊召王于鄴而明宗崩辛丑王至

洛陽十二月癸卯朔始發喪于西宮皇帝即位于柩前
羣臣見于東階復于喪位丙午成服于西宮庚戌登光
政門樓存問軍民辛亥殺司衣王氏癸丑始聽政乙卯
殺司儀康氏丁巳以馮道為大行皇帝山陵使戶部尚
書韓彥憚為副中書舍人王延為判官禮部尚書王權
禮儀使兵部尚書李麟為鹵簿使御史中丞龍敏為儀
仗使左僕射權判河南府盧質為橋道頓遞使

應順元年春正月戊寅大赦改元用樂乙未朱弘昭馮

貲獻錢助作山陵閏月丙午尊皇后為皇太后甲寅尊王淑妃為太妃北京留守石敬瑭獻銀絹助作山陵二月己卯從鳳翔節度使潞王從珂為河東節度使庚寅視作山陵潞王從珂反辛卯以西京留守王思同為西面行營都部署靜難軍節度使藥彥稠為副以討從珂三月丙辰思同兵潰嚴衛指揮使尹暉羽林指揮使楊思權以其軍叛降于從珂辛酉殺侍衛親軍馬軍都指揮使朱弘實癸亥以河陽三城節度使康義誠為鳳翔

行營都招討使王思同為副思同奔歸于京師不克死
之丁卯京城巡檢使安從進叛殺馮贇朱弘昭自殺從
進傳二人首于從珂戊辰帝如衛州

愍帝應順一年

廢帝鎮州平山人也本姓王氏其世微賤母魏氏少寡

明宗為騎將過平山掠得之魏氏有子已十歲

新紀作
十餘歲

此據家
人傳

明宗養以為子名曰從珂及長狀貌雄偉謹信

寡言而驍勇善射明宗甚愛之自晉與梁相拒于河上

從珂常立戰功莊宗呼其小字曰阿三不徒與我同年其敢戰亦類我同光二年為衛州刺史突騎指揮使戍于石門明宗討趙在禮自魏反兵而南從珂率戍兵自曲陽孟縣馳出常山追赴之明宗之南也兵少既得從珂兵軍聲大振明宗入立拜河中節度使封潞王是時明宗春秋已高王於諸子次最長樞密使安重誨惡之乃矯詔河中裨將楊彥溫使圖之王閱馬于黃龍莊彥溫即閉門拒之王止于虞鄉以聞明宗召王還京師居

之清化里第重誨數請以失守行法明宗不聽後重誨見殺乃起王為左衛大將軍西京留守長興三年為鳳翔節度使王子重吉自明宗時典禁兵為控鶴指揮使愍帝即位朱弘昭馮贇用事乃罷重吉兵職出為亳州團練使又徙王為北京留守不降制書而宣授又以李從璋為代初安重誨得罪罷河中以從璋為代而重誨見殺故王益自疑遂據城反愍帝遣王思同會諸鎮兵討之思同戰敗走諸鎮兵皆潰

清泰元年三月丁巳王以兵東庾申次長安西京副留守劉遂雍迎降甲子次華州執藥彥稠丙寅次靈寶河中安彥威同州安重霸陝州康思立皆來降丁卯次陝州康義誠以侍衛軍迎降殺宣徽使孟漢瓊愍帝出居于衛州夏四月壬申王入京師馮道率百官迎王于蔣橋王辭不見入哭于西宮遂見羣臣道拜王答拜入居于至德宮癸酉以太后令降天子為鄂王命王監國乙亥皇帝即位丙子率河南民財以賞軍丁丑借民房課

五月以賞軍戊寅弑鄂王磁州刺史宋令詢死之

新紀作慈

州核據舊紀

乙酉大赦改元戊子殺康義誠及藥彥儔丙申

葬明宗皇帝于徽陵五月丙午以端明殿學士左諫議大夫韓昭胤為樞密使莊宅使劉延朗為樞密副使庚戌馮道罷以天雄軍節度使范延光為樞密使甲寅賜勸進選人宗子官六月庚辰幸范延光及索自通第秋七月辛亥以太常卿盧文紀為中書侍郎同中書門下平章事丁巳立沛國夫人劉氏為皇后八月辛未以尚

書左丞姚顗為中書侍郎同中書門下平章事許御署

官選

按御署官疑是帝初舉兵時所置之官以非其吏部正授故須有旨方得選舊史不詳故存所不知

慎傳疑也

九月契丹寇遼冬十月戊寅李愚劉昫罷十二月

己亥以雄武軍節度使張延朗為中書侍郎同中書門下平章事契丹寇雲州庚寅如龍門

二年春二月甲戌范延光罷己丑追尊魯國太夫人魏氏為皇太后三月辛丑以忠武軍節度使趙延壽為樞密使夏四月癸未韓昭胤加中書侍郎同中書門下平

章事辛卯宣徽南院使劉延皓為樞密使五月丙申契丹寇遼六月癸未羣臣獻添都馬秋七月劉延皓罷九月乙酉以刑部尚書房嵩為樞密使冬十二月壬申韓昭胤罷

三年春正月丁未封子重英為雍王三月丙午以翰林學士馬胤孫為中書侍郎同中書門下平章事夏五月辛卯以河東節度使石敬瑭為天平節度使戊戌敬瑭反丙午以建雄軍節度使張敬達為太原四面兵馬都

部署義武軍節度使楊光遠副之戊申先鋒指揮使安
審信叛降于石敬瑭己酉振武戍將安重榮叛降于敬
瑭壬子天雄軍將張令昭逐其節度使劉延皓六月癸
亥以令昭權知天雄軍事甲戌以宣武軍節度使范延
光為天雄軍四面招討使秋七月戊申克魏州壬子張
令昭伏誅癸丑彰聖指揮使張萬迪叛降于石敬瑭八
月戊午契丹使者來九月甲辰張敬達及契丹戰于太
原敗績契丹圍敬達于晉安戊申帝如河陽冬十月壬

戊括馬籍民為兵十一月戊子以盧龍軍節度使趙德
鈞為行營都統丁酉契丹立石敬瑭為皇帝閏月甲子
楊光遠殺張敬達以其軍叛降于契丹契丹以晉主南
下丁丑帝至自河陽辛巳宮中火皇帝崩年五十三

廢帝清泰三年

其元年即愍
帝應順元年

右後唐四帝合十四年

欽定續通志卷二十一